

大慧普覺禪師住育王廣利禪寺語錄卷第

說五

徑山能仁禪院住持嗣法慧日禪師臣縊聞上進

師紹興二十六年十一月二十三日於明州  
說五  
報恩光孝禪寺開堂宣疏拈香祝聖罷乃就  
座天童和尚白搘云法筵龍象衆當觀第一  
義師云第一義諦天童和尚一搘打就莫有  
知恩報恩底麼僧問保壽開堂三聖橫身贊  
助學人上來願聞祝聖師云牛皮鞔露柱進  
云天高地厚無窮極佛功德海實難量師云

千聖共傳無底鉢進云正當恁麼時如何鵠  
啄師云你看即有分進云莫便是知恩報恩  
底事也無師云一任鑽龜打瓦進云無計上  
酬天子德唯憑此日一爐香師云猶較些子  
問世尊拈華迦葉微笑世尊道吾有正法眼  
藏涅槃妙心付囑摩訶大迦葉如何是正法  
眼藏師云拔却眼中釘進云如何是涅槃妙  
心師云速禮三拜進云若不上來伸此問焉  
知全露法王機師云知進云只如今日一會  
何異靈山師云普進云恁麼則從此佛日增

輝道風永扇去也師云又是惡水澆人僧禮  
拜師乃云佛法要妙離言說相離文字相離  
心緣相不可以有心求不可以無心得不可  
以語言造不可以寂默通如塗毒鼓聞著則  
腦門百裂似猛火聚近之則燎却面門實謂  
壁立萬仞勦絕聖凡假使智如鴟子辯若維  
摩與三世諸佛同時出來也須入地三尺有  
如是自在有如是威神只許老胡知不許老  
胡會到這裏如何啓口然官不容針私通車  
馬放一線道却有商量籌拈拄杖卓一下云

還聞麼一切障礙即究竟覺得念失念無非  
解脫成法破法皆名涅槃智慧愚癡通爲般  
若又卓一下云太陽溢目萬里不掛片雲古  
佛與露柱相交新羅共占波闍頸即不問汝  
諸人只如馬祖道即心是佛作麼生商量還  
委悉麼太平本是將軍致却許將軍見太平  
復卓一下謝辭<sup>說五</sup>復舉西天國王問波羅提尊  
者曰我欲作佛不知何者是佛尊者曰見性  
是佛王曰師見性否尊者曰我見佛性王曰  
性在何處尊者曰性在作用王曰是何作用

我今不見尊者曰今現作用王自不見王曰  
於我有否尊者曰王若作用無有不是王若  
不用體亦難見王曰若當用時幾處出現尊  
者曰若出現時當有其八王曰八處佛性當  
爲我說尊者曰在胎曰身處世名人在眼曰  
見在耳曰聞在鼻辯香在舌談論在手執捉  
在足運奔徧現俱該沙界收攝在一微塵識  
者知是佛性不識喚作精魂王聞是言心即  
開悟師云敢問法筵大衆且道西天國王悟  
得佛性耶悟得精魂耶若道在八處悟得只

是精魂若離八處却喚甚麼作佛性於斯薦  
得皇恩佛恩一時報足若薦不得育王今日  
爲諸人下箇註脚良久云鸞鷺鷟麟俱是瑞  
梅檀蘋葛一般香天童和尚再白槌云諦觀  
法王法法王法如是師召大衆云記取天童  
說五三

和尚語便下座

入院指方丈召大衆云這裏是烹佛烹祖大  
鑪鞴鋸生鋸死惡鉗鎗莫怪主人無面目法  
如是故非彊爲法旣如是又非彊爲且道最  
初一句又作麼生還委悉麼釣竿斫盡重裁

竹不計功程得便休

次上堂僧問當頭裂破眼睛突出四方八面  
東涌西沒只如楊岐三脚驢子弄蹄行意旨  
如何師云無意旨進云莫只這便是楊岐受  
用處也無師云便是楊岐受用處進云恁麼  
則坐斷王几峯時人皆拱手師云序品第一  
進云未審這一著落在甚麼處師云你且道  
落在甚麼處進云師爲法王於法自在問云  
朝到西天暮歸東土時如何師云掛起草鞞  
進云謝和尚指示師云你得箇甚麼進云今

日親見大禪師師舉拂子云汝在拂子前見  
拂子後見進云前後一時收師云穿却你臘  
孔換却你眼睛進云和尚費力作甚麼師便  
喝乃舉南泉和尚新入院知事頭首請入方  
丈有僧便問師歸丈室將何指示於人泉云  
昨夜三更失却牛天明起來失却火師云妙  
喜初住育王亦不曾失却牛亦不曾失却火  
或有人問師歸丈室將何指示於人只向佗  
道餓餐渴飲閑坐困眠且道與南泉是同是  
別若也道得許你是箇衲僧若道不得三十

年後却來方丈裏向你道便下座

上堂僧問大梅即心是佛馬祖非心非佛阿  
那箇是師云兩箇俱是兩箇俱不是進云金  
不博金水不洗水師云你作麼生會進云千  
古垂芳孰共知清風布地有何極師云又被

說五

四

風吹別調中問教中道離言說相離文字相  
離心緣相畢竟平等無有變易請和尚離言  
說相師云你只今在甚麼處安身立命進云  
與和尚眉毛廝結問答俱備師云大好離言  
說相進云側側平平題不著忉忉怛怛語還

空師云刹竿頭上仰蓮心乃云今朝臘月初  
一一年此月將訖過去現在未來彈指一時  
頸入乃舉拂子云只有這箇不入這保社為  
甚麼如此不見道能為萬象主不逐四時凋  
到天童請上堂僧問暫借一問以爲影草時  
如何師云沒這閑工夫進云莫便是和尚答  
話也無師云是進云恁麼則今日得聞於未  
聞師云聞底事作麼生進云未鳴鼓已前聞  
和尚道了也師云道甚麼響進云也知和尚  
有時恁麼有時不恁麼師云錯下註脚問趙

州訪一菴主云有麼有麼主豎起拳頭州云水淺不是泊船處此意如何師云拳頭進云又訪一菴主主亦豎起拳頭趙州爲甚麼却道有縱有奪師云也只是箇拳頭進云既只是箇拳頭爲甚麼兩處勘辨師云你但兩處五看進云未審和尚今日與天童大眾相見還有爲人處也無師云有進云恩大難酬便禮拜師乃云垂萬里鉤駐千里烏駢布漫天網打衝浪鯢鯨此是天童老人尋常用底育王今日得得入山瞻禮客聽主裁令陞此座到

這裏說箇甚麼即得莫是說心說性得麼說玄說妙說理說事得麼既總不得不可只恁麼休去既不可休去又不可說心說性說玄說妙說理說事莫是世諦流布得麼若恁麼喚作順水張帆未是衲僧用處雖然如是略借主人威光與大眾赴箇時節且道即今是甚麼時節尺蠖之屈乃欲求伸擊碎蟠桃核得見箇中仁箇中仁既見此道出常情且道出常情一句作麼生道還委悉麼眼光爍破四天下主盟此道是渠儂復云適來蒙堂頭

老人舉僧問香林如何是衲衣下事林云臘月火燒山師云此是香林語堂頭今日舉育王隨接撤也未敢相許因甚麼未敢相許選佛若無如是眼假饒千載又奚爲

上堂相逢不拈出舉意便知有巍巍不動尊

脚不離地走既是不動尊爲甚麼却走喝一喝云依俙似曲纔堪聽又被風吹別調中上堂丹霞燒木佛院主眉鬚落鳥飛毛墜魚行水濁喝一喝云是甚麼要識真麒麟只有  
一隻角參

歲旦上堂一年三百六十日今朝又是從頭起人人有箇主公水牛銜却老鼠尾深沙歡那吒喜佛殿走出三門去僧堂撞入廚庫裏敢問大眾還有不遷義也無自云有作麼生是不遷義東君行正令華發樹南枝六五

到資福請上堂舉香城順和尚頌黃龍三關云黃龍老和尚有箇三關語山僧承嗣伊今日爲君舉爲君舉猫兒偏解捉老鼠廣鑑英禪師因見此頌乃曰好則好第恐學者作無事會去師云誠哉是言山僧今日也有箇頌

子黃龍此語蓋天地從來縝密不通風後昆

隨例承其響總道貓兒解捉蟲

資福乃廣  
鑑法孫

到雪竇請上堂平常無生句妙玄無私句體  
明無盡句一鎔破三關佗家有本據作麼生

是佗家本據莫怪從前多意氣佗家曾踢上  
頭闊復舉僧問明覺禪師如何是諸佛本源  
明覺云千峯寒色僧云未審向上還有事也  
無明覺云雨滴巖華師云千峯寒色雨滴巖  
華今日不妨應時應節若是諸佛本源不得  
動著爲甚麼不得動著自有雪竇主人在

到啓霞請上堂適來家堂頭法叔禪師舉臨  
濟訪龍光因緣客聽主裁敢不依嚴命略與  
諸人下箇註脚龍光據坐雖然無語其聲如  
雷臨濟云這老漢今日敗闕堂頭法叔禪師  
道那裏是佗敗闕處妙喜道路遠夜長休把  
火大家吹殺暗中行

上堂舉仰山一日與嬾安看雨次安云好雨  
寂閣黎山云好在甚麼處安無語山云某甲  
却道得安云好在甚麼處山以手指雨安便  
休去師云一人只知看雨一人只知指雨子

細檢點將來大似釘椿搖艤育王當時待佗  
道好在什麼處只向佗道滴穿眼睛浸爛鼻  
孔或有箇衲僧出來道育王也是釘椿搖艤  
却許佗具眼

上堂舉五祖師翁舉僧問趙州如何是祖師  
西來意州云庭前柏樹子恁麼會便不是了  
也如何是祖師西來意庭前柏樹子恁麼會  
方始是師云要識五祖師翁麼腦後見腮莫  
與往來

上堂僧問參禪要透塵勞網學道還期出死

生鐵壁銀山無向背金圈栗棘不多爭這箇  
是學人尋常用底未審和尚見處作麼生師  
云春日晴黃鸝鳴進云今日小出大遇師云  
更聽落崖流水聲進云從上諸聖畢竟將何  
等法爲何等人師云將何等法爲何等人進  
云恁麼則喚作竹簾則觸不喚作竹簾則背  
師云信受奉行速禮三拜僧禮拜師乃云今  
朝二月二十又是清明寒食靈雲不見桃華  
爭信曲中有直遂拈拄杖卓一下云是曲耶  
是直耶擲下云多虛不如少實參

上堂舉修山主云是柱不見柱非柱不見柱

是非已去了是非裏薦取師召大眾云是非

既去了各各照顧且道照顧箇甚麼良父云

莫教撞著露柱

上堂僧問有麼有麼菴主豎起拳頭還端的

也無師便下座

說五

八

上堂古人道侍者燒香已成多事大眾問訊  
轉見病深怎麽說話大似無病著灸捏目生  
華若是育王即不然侍者燒香不爲分外大  
衆問訊理合如然若作佛法商量生身入地

獄下座

浴佛上堂未離兜率已降玉宮未出母胎度  
人已畢這箇是題目摩耶夫人毗藍園裏攀

無憂樹右脇而生悉達太子直得九龍吐水

沐浴金軀地湧金蓮以承其足這箇是序分

以手指天地作大師子吼上下及四維無能  
尊我者這箇是正宗育王今日專爲流通去  
也遂拈拄杖卓一下云釋迦老子來也舉起  
云淨法界身本無出沒大悲願力示現受生  
已上四段不同收歸上科擲下云下座與大

衆同到殿上再講經首纏阿

朱舍人請陞座僧問三世諸佛說了也和尚作麼生師云摩竭提國親行此令進云要且只今事不恁麼師云劍去久矣爾方刻舟進云也知和尚截斷天下人舌頭師云果然不恁麼進云道說上端白日青天開眼落人圈續便禮拜問釋迦彌勒猶是佗奴未審佗是阿誰師云你是一枚村夫進云切忌爲佗安名立字師云村夫有甚麼名字進云前言何在師云你道佗畢竟是阿誰進云家無小使不成

君子師云未免隨人腳跟轉問如何是佛法的大意師云老僧無的大意亦無如何進云既是無和尚甚處得這消息師云育王亦無這消息乃云只這消息三世諸佛說不及六代祖師傳不到既說不及又傳不到則釋迦彌勒亦是空名釋迦彌勒既是空名喚甚麼作奴喚甚麼作主喚甚麼作生喚甚麼作死喚甚麼作古喚甚麼作今旣無生又無死旣無古亦無今淨倮倮絕承當赤灑灑沒窠窟如是則盡十方世界無內無外是箇淨

妙佛土是箇無上佛土是箇無等佛土是箇不可思議佛土是箇不可量佛土是箇不可說佛土既有如是佛土只如宮使舍人今請妙喜舉揚此段大事因緣追薦先妣太夫人俞氏且道在那箇佛土中良久云一塵一佛

刹一葉一釋迦

上堂結夏方得五日露柱却知端的勃跳撞人燈籠普爲諸人入室還有知慚識愧者麼良久云白雲乍可來青嶂明月難教下碧天聖節上堂如人持尺量虛空復有隨行計其

數虛空邊際不可得吾君壽量亦如是理則如是事又作麼生下座與大衆同到無量壽如來前五體投地啓建天申聖節道場謹白上堂舉睦州纔見僧云現成公案放汝三十棒僧云某甲如是州云三門頭金剛爲甚麼

說五

豎起拳頭僧云金剛尚乃如是州便打師云

雖然無孔笛撞著虧拍板直是五音調暢六律諧和子細檢點將來未象傍觀者哂且道誰是傍觀者良久云不得動著動著打折你驢腰

上堂今朝五月五天降沛然雨艾人與門神

聚頭相耳語且道說箇甚麼雪竇禪師來一口吞佛祖

上堂舉普化一日在臨濟僧堂前喫生菜濟

見云大似一頭驢化便作驢鳴濟云這賊化  
云賊賊便出去師云一箇驢鳴兩箇賊堪與  
諸方爲軌則正賊草賊不須論大施門開無  
壅塞

上堂云已著槽廠將錯就錯騎却聖僧不妨  
快樂龍象蹴踴非驢所作堪笑諸方妄生穿

鑿休穿鑿祥麟只有一隻角

上堂今朝七月五打鼓普請看萬里無片雲  
猶欠一大半且作麼生是那一半良久云無

人過價打與一貫

榮侍郎生日請陞座僧問楊岐一頭驢爲甚

說五

麼只有三隻腳說五師云你少喫水草進云恁麼  
則覲面相呈更無回互師云且莫詐明頭進

云既是潘閻倒騎歸爲甚麼擗殺黃畜縛師  
云非汝境界進云爭奈即今何師云且莫爭  
負老僧進云恩大難酬便禮拜師乃云楊岐

一頭驢只有三隻脚潘闌倒騎歸擲起黃番綽妙喜三十年前底註脚今日被這僧對人天衆前華摩一上不同小小直得楊岐和尚拍手呵呵大笑山河大地萬像森羅一時起舞當恁麼時且道是甚麼人證明所以道處處真處處真塵塵盡是本來人真實說時聲不現正體堂堂沒却身作麼生是堂堂正體未離兜率已降王宮未出母胎度人已畢豈不是堂堂正體若作堂堂正體會則辜負釋迦老子若不作堂堂正體會則辜負自己自塞斷是非難

已既辜負將甚麼與釋迦老子相見若向這裏撥得一線路方知釋迦老子在兜率天乘日輪香象降摩耶夫人胎只是示現箇生底時節以至一手指天一手指地云天上天下唯吾獨尊也只是與一切人作箇示現生相

底樣子若向這裏見得不獨為釋迦老子出氣亦乃與生身父母出氣不獨為生身父母出氣亦乃與一切有情出氣正當恁麼時且道承誰恩力良久云揮劍斫開人我易推山

上堂舉俱胝和尚凡有所問唯豎起一指又

自賣弄云我在天龍處得一指頭禪一生受用不盡後來琅琊有頌云俱胝一指報君知朝生鷄子搏天飛若無舉<sub>詒五</sub>昇拔山力千里烏

駉不易騎師云俱胝和尚若不得琅琊爲伊

出氣幾乎埋沒了這一指頭禪妙喜既恁麼

舉不免隨後也有箇註脚俱胝一指頭喫飯

飽方休腰纏十萬貫騎鶴上揚州

上堂久雨不晴纔晴又雨天道變化萬物得

所劄久雨不晴良久復召大衆云雲門老漢

不在裏許參

中秋上堂舉仰山與長沙翫月次山以手指月云人人盡有這箇只是用不得沙云恰是請汝用山云作麼生用沙近前一蹣跚倒仰山山起來云直下似箇大蟲<sub>十二</sub>師云皎潔一輪

寒光萬里靈利者葉落知秋備蓐者忘言逆耳休不休已不已小釋迦有陷虎之機老大蟲却無牙齒當時一蹋豈造次驀然倒地非偶爾衆中還有緇素得二老出者麼良久云設有也是掉棒打月

上堂趙州東院西密室爛如泥竇八布衫穿赤土畫皴箕喝一喝云是甚麼簷頭雨滴滴維向五更啼

上堂舉盤山和尚道似地擎山不知山之孤峻如石舍王不知玉之無瑕若能如是是真出家師云育王即不然若能如是捏目生華天童覺和尚遺書至受書云古人道末後一句始到牢關把斷要津不通凡聖舉起書云這箇是天童和尚末後把斷要津全提底消息還委悉麼如未委悉却請維那分明說破

宣了遂陞座云法幢摧法梁折法河乾法眼滅雖然如是正是天童真實說且道說底事作麼生知音知後更誰知

歲旦上堂昨朝殘臘盡今日賀新年虎逐牛方急東君令已行且作麼生是已行底令瑞雪已鋪銀世界大家攜手普賢門

爲佛智裕和尚遷塔以手指穴云妙喜與師兄俱是園悟子妙喜移住徑山師兄遷來在此雖與師兄同條生不與師兄同條死八兩與半斤青紅與碧紫正當恁麼時且歸根得

旨一句作麼生道良久云師兄解唱泥牛吼  
師弟寧忘木馬嘶豁開頂上活人眼鄧山山  
下是真歸

大慧普覺禪師住阿育王山廣利禪寺語錄

卷第五

音釋

鶴	苦成切	鳥	燎	力照切	勦	子小	一切	鶴鳥族鳥	鶴
啄	啄物也	角	燎	猶燒也	絕	子小	一切	鶴鳥族鳥	鶴
鷺	鷺仕角切	鷺	蒲拜切	吹	丁貴切	鉗	一切	鶴鳥族鳥	鶴
鷺	鷺鳳屬	鷺	蒲拜切	吹	丁貴切	鉗	一切	鶴鳥族鳥	鶴
鉗	巨鹽切	鉗	火韋	鑄	鉢	鉗	一切	鶴鳥族鳥	鶴
鉗	直追切	鉗	韋	鑄	鉢	鉗	一切	鶴鳥族鳥	鶴
捲	捲器切	捲	火韋	鑄	鉢	鉗	一切	鶴鳥族鳥	鶴
捲	捲力候切	捲	韋	鑄	鉢	鉗	一切	鶴鳥族鳥	鶴
伸	伸蟲也	縛	朱惟切	蒼	鉢	鉗	一切	鶴鳥族鳥	鶴
伸	伸蟲也	縛	朱惟切	蒼	鉢	鉗	一切	鶴鳥族鳥	鶴

圓驅圓切  
橫去貴切  
廠昌兩切屋  
無壁白廠  
擗顛結  
綽齒灼  
偈  
嬌他盍勿  
鄧莫候切  
賈地名  
椿林江  
𦵹籠五  
偈

永樂北藏

大慧普覺禪師語錄

第一五六冊